



Poštovano Predsjedništvo Bosne i Hercegovine,

Konzorcijum Logistika Bosne i Hercegovine, kao reprezentativno tijelo koje okuplja vodeće transportne i logističke kompanije iz cijele zemlje, obraća Vam se u nadi da ćete u svojim bilateralnim i multilateralnim nastupima, kako u zemlji tako i prema Evropskoj uniji i njenim državama članicama, jasno apostrofirati problem s kojim se suočavaju naše transportne kompanije, a koji se odnosi na tretman profesionalnih vozača iz Bosne i Hercegovine u EU.⁴

Bosna i Hercegovina je punopravna strana potpisnica AETR sporazuma, međunarodnog ugovora koji je stariji od Sporazuma o stabilizaciji i pridruživanju (SSP) sa EU, kao i od šengenskih pravila o boravku. AETR jasno definiše pojmove:

- "Dnevni i sedmični odmor vozača",
- "Vrijeme vožnje",
- "Vrijeme utovara i istovara",
- i predviđa korištenje digitalnih tahografa kao zvaničnog alata za praćenje aktivnosti profesionalnog vozača.

Uzimajući u obzir da 90 dana boravka može biti jednako 2160 sati, uz tačnu evidenciju iz pametnih tahografa, evidentno je da profesionalni vozači iz Bosne i Hercegovine ispunjavaju pravila režima 90/180 dana, kada se radno angažovanje analizira u skladu sa AETR normama.

Stoga Vas molimo da:

1. Prenesete svim relevantnim institucijama EU i država članica, posebno njihovim graničnim i kontrolnim organima, da su vozači iz Bosne i Hercegovine:
 - zaposlenici domaćih firmi,
 - posjeduju važeći ugovor o radu, licencu preduzeća, dozvole i digitalne tahografske kartice,
 - nisu migranti, turisti ili tražioci azila, već radnici angažovani na zadacima od ključnog značaja za funkcionisanje međunarodnih lanaca snabdijevanja.
2. Zatražite od EU partnera poštivanje AETR sporazuma, jer njegova primjena omogućava zakonit i tehnički dokaziv boravak vozača u EU, koji ne može biti posmatran po pravilima predviđenim za opštu populaciju, već isključivo kroz prizmu međunarodnog drumskog transporta.

Vjerujemo da ćete, u duhu zaštite interesa naših privrednih subjekata i prava zaposlenih, staviti ovaj problem u središte Vaših diplomatskih i institucionalnih aktivnosti.

S poštovanjem,



Koordinator

POSLOVA KONZORCIJUMA LOGISTIKA

BOSNE I HERCEGOVINE

Prof.dr Velibor Peulić